

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I  
POSLOVE MJESNIH ZAJEDNICA  
Broj: 03-04-2455/21  
Lukavac, 29.07.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-2455/21 od 28.07.2021. godine u otvorenom postupku javne nabavke radova za zamjenu stolarije i rekonstrukciju Doma kulture u MZ Hrvati, Pomoćnik općinskog načelnika za Službu za investicije i poslove mjesnih zajednica d o n o s i

### **O D L U K U** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 03-04-2455/21 od 28.07.2021. godine, te se Ugovor za javnu nabavku radova za zamjenu stolarije i rekonstrukciju Doma kulture u MZ Hrvati dodjeljuje ponuđaču „**INTERART**“ **d.o.o Tuzla**, koji je dostavio ponudu broj: 51-21 od 13.07.2021. godine, za ponuđenu cijenu u vrijednosti od 20.951,04 KM bez PDV-a kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-2454/21 od 21.06.2021. godine. Javna nabavka sprovedena je otvorenim postupkom nabavke. Procijenjena vrijednost javne nabavke bez PDV-a je 26.000,00 KM.

Obavještenje o nabavci broj: 719-1-3-57-3-74/21 objavljeno je na Portalu javnih nabavki dana 21.06.2021. godine.

Komisija za provođenje postupka nabavke imenovana Rješenjem broj: 02-04-75-38/21 od 22.06.2021. godine i Rješenjem o izmjeni Rješenja broj: 02-04-75-38/21-1 od 13.07.2021. godine dostavila je Zapisnik o pregledu i ocjeni ponuda broj: 03-04-2455/21 od 28.07.2021. godine, Preporuku o izboru najpovoljnijeg ponuđača broj: 03-04-2455/21 od 28.07.2021. godine i Izvještaj o radu broj: 03-04-2455/21 od 28.07.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 5 (pet) blagovremenih ponuda, a da neblagovremenih ponuda nije bilo;

- da su ponude ponuđača: DINAMICO d.o.o. Kalesija, DŽENA d.o.o. Gradačac, INTERART d.o.o. Tuzla, ELEKTROCENTAR PETEK d.o.o. Tuzla i ŽALUZINE STYLE d.o.o. Zenica kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način i da nekvalifikovanih ponuda nije bilo.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 26.000,00 KM i da je kriterij za dodjelu ugovora ekonomski najpovoljnija ponuda u skladu sa niže navedenim potkriterijima:

- a) Cijena ..... 98 %
- b) Rok plaćanja ..... 2 %

Ponuđač „INTERART“ d.o.o. Tuzla dostavio je prihvatljivu ponudu sa cijenom u iznosu od 20.951,04 KM bez PDV-a i rokom plaćanja 60 dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. „DINAMICO“ d.o.o. Kalesija,
2. „DŽENA“ d.o.o. Gradačac,
3. „INTERART“ d.o.o. Tuzla,
4. „ELEKTROCENTAR PETEK“ d.o.o. Tuzla,
5. „ŽALUZINE STYLE“ d.o.o. Zenica i
6. Arhivi.-

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA

(ovlaštenje broj: 02-30-6245/20 od 21.12.2020.god.)

Emir Begić, dipl. ecc.

